

www.BibleForChildren.org



КЭЗДЭТО 6



Кадо сы панасы па вица лэ
Ноески. Машкар лэ мануш
андэ коды врама фэри о
Ной сас чячюно ай
бидошако; вов пхирлас
англа Дэл.



О Дэл дыхлас, сар румусайлас
э пхув анда кадо, кэ са,
со сы жювиндо пэ латэ,
гэлас па бангэ дрома.



Атунчи о Дэл пхэндас лэ Ноескэ: — Мэ
кэро агор саворэнгэ, со сы жювиндо, кэ
анда лэндэ э пхув пхэрдилас
насулимаса. Мэ хасаравав лэн
куса са э пхув.



Кэрав пэскэ ковчего анда копачи, кай
буцёл гофер, ай кэр андэ лэстэ собы, ай
макх лэс смоласа ви андрал, ви аврал.




Акэ сар
трубуй тэ
кэравэс о
ковчего: вов трубуй
тэ авэл 150 метры андо
лунжипэ, 25 метры андо
булғипэ ай 15 метры
андо учипэ.



Кидэ туса сако фалоско
хабэ тэ хан ви ту, ви вон.



Ингэр андо ковчего саворэ жювиндэ алатон по дуй-
женэ, муршэс ай жювля, тэ ащён жювиндэ
кхэтанэ туса.




Лэ пэса па эфта пары катар са ужэ алатура, по екх
пара катар акарсоскэ магэрдэ ай по эфта пары анда
сакэ чирикля, муршэн тай жювлян,
тэ фирисайвэн саворэ пэ пхув.





Ной, лэскэ щявэ,
лэски ромни ай лэскэ
щявэнгэ ромня дынэ андрэ
андо ковчего тэ фирисайвэн
катар о паи.





По шовэ шэлэнго бэрш лэ
Ноеско, андо дэшэфтато дес,
андо дуйто щён щиндилэ са
бифундоскэ пировура ай путэрдилэ
черэнгэ фелястри, . . .





... ай о бришынд щёрдёлас пэ пхув
штарвардэш дес тай ратя.



Лэ пая са май бут ай май бут
арэснас каринг э пхув, ай
ковчего инкэрдёлас пэ паи.



Вон ваздэ-пэ кадэ учес пэ пхув, кэ щерадэ са лэ уче
хара, кай сы тэла чери. Са пэ пхув, со траияс, андэ
каскэ рутхуна пхурдёлас о траё, мулэ; са жювиндо
сас хасарадо.



О Дэл дас пэ гиндо па Ной ай па са
вадна ай кхэрутнэ алатура, савэ сас
лэса андо ковчего. Вов бищядас
балвал пэ пхув, ай лэ пая лынэ
тэ цынён.





Па штарвардэш дес о
Ной путэрдас филястра,
саво вов кэрдас андо
ковчего, ай мэклас аври
лэ чёкос, ай вов уралас
тай болдэлас-пэ палпалэ,
жипон чи шутилас
паи пэ пхув.





Котар Ной мэклас аври
гулумбос, тэ жянэл,
гэластар о паи па пхув вай
на, алом о гулумбо чи
аракхлас шуко тхан тэ
мэкэл-пэ тэлэ, кэ о паи
щеравлас са э пхув, ай
болдас-пэ палпалэ андо
ковчего кай о Ной.



Каринг биштафтато дес андо дуйто щён э пхув
кэрдилас са шуки. Атунчи о Дэл пхэндас лэ
Ноескэ:— Дэ аври анда ковчего, ту,
ви тири ромни, ви тирэ щявэ,
ви лэнгэ ромня.



Ной кэрадас лэ Раскэ лэ Яхваскэ жэртвенник ай дас
пэ лэс жэртва:
лас ужэ алатон
ай чириклян анда
саки алатонги вица,
щиндас лэн
ай пхабардас пэ яг.





О Дэл
пхэндас: — Акэ
вурма па ворба,
сави Мэ пхандав
машкар Мандэ ай
тумэндэ, ай саконэ
жювиндэ алатостэ,

саво сы тумэнца, пэ
са поколения, кай авна.
Мэ щював андэ нувэра
Мури радуга, ай вой авла
вурма па ворба машкар
Мандэ ай э пхув.





Кана тэ на ано
нувэра пэ пхув,
машкар нувэра
сыкадёла радуга,
ай Мэ до ма гиндо па
Мури ворба машкар Мандэ
ай тумэндэ ви саконэ

жювиндэ алатостэ;
шоға май бут пая чи
щёрдёна тэ
хасаравэн са
жювиндо.



О Дэл бахтырдас лэ
Ноес ай лэскэ щявэн ай
пхэндас лэнгэ: — Кэрэн
щяворэн ви кэрдён май бут
ай пхэрдярэн э пхув.





Щявэ лэ Ноескэ, савэ
дынэ аври анда ковчего, сас Сим,
Хам ай Яфет (Хам сы о дад лэ
Ханааноско). Кадал трин-женэ сы
щявэ лэ Ноескэ, ай катар
лэндэ сармозын лэ мануш,
савэ рисписайлэ
па пхув.



Кэздэто 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Lovari Romani OT (rmy) © 2021 Bible Translators of
Ukraine © 2021 Pioneer Bible Translators

www.bible.com/bible/1698/1JN.1.LOV1984

©2026 Bible for Children, Inc.

www.M1914.org

www.bibleforchildren.org

